

# G E N E S I S.

Sheboim, agus rìgh Bhela (cadhon Shoair, agus chuir iad cath<sup>a</sup> riu ann an gleann Shidim:

9 Re Cedorlaomer rìgh Elaim, agus re Tidal rìgh nan cinneach, agus re h-Armaphel rìgh Shinnair, agus re h-Arioch rìgh Elafair; ceithir rìghridh re cùig.

10 Agus *bha* gleann Shidim *lindo* fhlochdaibh làthaich<sup>b</sup>; agus theich rìgh Shodoim, agus rìgh Ghomorrah, agus thuit iad 'an fìn; agus iadfan a mhair<sup>c</sup>, theich iad do'n t-sliabh.

11 Agus thug iad leo uile mhaoim Shodoim agus Ghomorrah, agus am biadh uile, agus dh'imich iad rompa.

12 Agus tìug iad leo Lot, mac bràthar Abrahaim (a bha chòmhnuidh ann an Sodom) agus a mhaoim, agus dh'imich iad.

13 Agus thainig *a h-aon* a chaidh as, agus dh'innis e do Abram an t-Eabhuidheach, a bha chòmhnuidh ann an còmhnard Mhamre an Amoraich, bràthar Escoil, agus bràthar Aneir: agus *bha* iad fìn ann an co'bhoinn re h-Abram.

14 Agus 'nuair a chual' Abram gu'n do ghlacadh a bhràthair 'na phrìofanach, dh'armaich e *sheirbhifich* iunnfaichte<sup>d</sup>, a rugadh 'na thigh féin, trì cheud agus ochd-deug; agus lean e iad gu Dan.

15 Agus roinn fe e féin 'nan aghaidh san oidhche, e féin agus a sheirbhifich, agus bhual e iad, agus lean e iad<sup>e</sup> gu Hoba, a ta air an làimh chli do Dhamafcus.

16 Agus thug e air ais a'

mhaoim uile, agus mar an ceudna thug e air ais a bhràthair Lot, agus a mhaoim; agus mar an ceudna na mnàì agus an sluagh.

17 Agus chaidh rìgh Shodoim a mach 'na choinneamh, 'an déigh dha pilltinn o mharbhadh Chedorlaomeir, agus nan rìgh a *bha* maille ris, aig gleann Shabeh, eadhon gleann an rìgh.

18 Agus thug Melchisedec rìgh Shaleim a mach aran agus fion: agus b'efan sagart an Dé a's ro-àirde.

19 Agus bheannaich fe e, agus thubhairt e, Beannaichte *gu'n robh* Abram o'n Dia a's ro-àirde, sealbhadair néimh agus na talmhainn.

20 Agus beannaichte *gu'n robh* an Dia a's ro-àirde, a thug thairis do naimhde do d'làimh. Agus thug e dha deachamh do gach ni.

21 Agus thubhairt rìgh Shodoim re h-Abram, Thoir dhomha na daoine<sup>f</sup>, agus gabh a' mhaoim dhuit féin.

22 Agus thubhairt Abram re rìgh Shodoim, Thog mi mo làmh suas ris an Tighearn, an Dia a's ro-àirde, Sealbhadair néimh agus na talmhainn,

23 Nach gabh mi o fhàthainn eadhon gu h-éill broige, agus nach gabh mi *bheag* a dh'aon ni a's leatfa, chum as nach abair thu, Rinn mi Abram beartach?

24 Saor a mhàin o na dh'ith<sup>g</sup> na h-òganaich, agus o chuibhrionn<sup>h</sup> nan daoine, a chaidh maille rium, Aner, Escol, agus Mamre; gabhadh iadfan an cuibhrionn<sup>i</sup>.

C A I B.

<sup>a</sup> blàr. <sup>b</sup> pic-talmhainn. <sup>c</sup> iadfan a dh'fhàgadh. <sup>d</sup> fhòghlumta.  
<sup>e</sup> ruaig e, chaidh e'n tòir orra. <sup>f</sup> na h-anmanna. *Eal b.* <sup>g</sup> Ach a mhàin  
na dh'ith. <sup>h</sup> chuibhrionn. <sup>i</sup> an cuibhrionn.